



La giat y la suricia



Idiom: Gherdëina

La stua ie bona ciada, l giat ie do furnel, y se sciauda la ciotes, la coda y l spinel. L spiza la urëdles, zeche al audì, da ulache l vën la fuera chël muessel nrescì. L craza pra porta, “Lascëme sën jì, suaut iel na suricia, da chëla muessi jì!” Ora per port y via y su per scela, manancel, dala prëscia, de frì te na scudela. Puera suricia, l ne joa pa nia mucé, l giat sà mpo co fé a t’abiné. L sta drët bel chiet y aspieta sun té, l sà che dant o do messeres inò passé. Ma ce fertuna, n busc es sën udù, pitla coche te ies, passé es bel pudù. L pitl giat, giut al aspità, y ala fin se al mpo stufà. Zënza suricia iel sën jit ju y pra furnel se al inò pundù ju.